



## CONCELLO DE VIGO CONTRATACIÓN

### **ACTA DA MESA DE CONTRATACIÓN DO 11 DE NOVEMBRO DE 2016**

Na Sala de reunións do Servizo de Contratación da Casa do Concello de Vigo, ás 10:40 horas do día 11 de novembro de 2016, reúnese a Mesa de Contratación do Concello de Vigo convocada polo presidente o 9 de novembro, para tratar os asuntos da orde do día que figuran na convocatoria.

Asisten á reunión da Mesa de Contratación:

**Presidentes:** D<sup>a</sup>. María Jesús Lago Rey

**Vocais:** D<sup>a</sup>. Susana García Álvarez  
D<sup>a</sup>. Catalina Alfayate Rodríguez  
D. Manuel Xosé Lorenzo Penela  
D. José Ángel Otero Lamas (asiste aos puntos 2a, 2b e 5a)  
D<sup>a</sup>. Luz María González Domínguez (asiste aos puntos 3a e 4a)  
D. Óscar Couce Senra (asiste aos puntos 2a e 2b)  
D. Gilberto Moldes Crespo (asiste ao punto 1a)

**Secretaria:** D<sup>a</sup>. Ángela Fernández López

Aberta a sesión pola presidenta, procédese a tratar os puntos incluídos na **orde do día**:

#### **1.- Incidencias**

##### **a) Procedemento aberto para a contratación dos servizos de mantemento, conservación e reposición do Parque do Castro (8492-446)**

A Xunta de Goberno local na sesión do 21 de outubro de 2016 acordou clasificar en orde descendente as proposicións admitidas neste procedemento e requirir ao licitador clasificado en primeiro lugar, ALTHENIA, SL, para que presentase no prazo de dez días a documentación esixida no artigo 151.2 TRLCSP, así como o aboamento dos custos en concepto de anuncios de licitación. Este acordo foi notificado a ALTHENIA, SL o 25 de outubro de 2016. Transcorrido o prazo sen que ALTHENIA, SL presentase documentación ningunha, enténdese que retira a súa oferta, polo que, de conformidade co previsto no artigo 151.2 do TRLCSP, procede requirir a mesma documentación ao seguinte licitador na orde na que quedaron clasificadas as ofertas.

En base ao anterior, a Mesa acorda, por unanimidade, propoñer á Xunta de Goberno local a adopción do seguinte acordo:



Copia do documento - Concello de Vigo	Data impresión: 21/05/2024 09:39	Páxina 1 de 3
ACTAS PERFIL CONTRATANTE	CSV: A4AH4D-ECC9CA-572521-5EVNKN-P18ZGN-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

*“Primeiro.- Requirir ao licitador clasificado en segundo lugar, AGRONERGA, SL, para que presente, no prazo de dez días hábiles, a contar desde o seguinte a aquel no que reciban o requirimento, a seguinte documentación (artigo 151.2 TRLCSP):*

- 1. Declaración responsable de non estar incurso en prohibición de contratar.*
- 2. Certificacións de estar ao corrente das súas obrigas tributarias co Estado, coa Xunta de Galicia e coa Seguridade Social.*
- 3. A documentación esixida nas cláusulas 8 e 21 do prego de cláusulas administrativas particulares.*
- 4. Resgardo da garantía definitiva esixible de acordo co disposto na cláusula 22 do prego de cláusulas administrativas particulares.*

*Segundo.- Requirir ao citado licitador o aboamento de 1.687,68 euros en concepto de custos dos anuncios de licitación”.*

## **2.- Apertura económica**

### **a) Procedemento aberto para a contratación das obras de humanización da rúa Estornino, entre Gregorio Espiño e Xílgaro (3968-440)**

Non se trata este asunto porque, por erro, non se anunciou a apertura no perfil do contratante.

### **b) Procedemento aberto para a contratación das obras de humanización da rúa Rosalía de Castro, entre Canceleiro e Serafín Avendaño (4015-440)**

Non se trata este asunto porque, por erro, non se anunciou a apertura no perfil do contratante.

## **3.- Entrega dos informes de valoración dos criterios de adxudicación nos procedementos abertos, negociados e restrinxidos**

### **a) Procedemento negociado con publicidade para a contratación dos servizos de deseño e produción de catro carrozas para a Cabalgata de Reis 2017 (6632-335)**

Entrégase o informe asinado polo técnico de xestión e a xefa do Servizo de Festas de data 9 de novembro de 2016 sobre valoración do sobre B “proposta técnica e económica” e proposta de negociación cos licitadores.

## **4.- Estudo e, no seu caso, aceptación dos informes de valoración dos criterios de adxudicación nos procedementos abertos, negociados e restrinxidos**

### **a) Procedemento negociado con publicidade para a contratación dos servizos de deseño e produción de catro carrozas para a Cabalgata de Reis 2017 (6632-335)**



Copia do documento - Concello de Vigo	Data impresión: 21/05/2024 09:39	Páxina 2 de 3
ACTAS PERFIL CONTRATANTE	CSV: A4AH4D-ECC9CA-572521-5EVNKN-P18ZGN-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



## CONCELLO DE VIGO CONTRATACIÓN

Acéptase o informe asinado polo técnico de xestión e a xefa do Servizo de Festas de data 9 de novembro de 2016 sobre valoración do sobre B “proposta técnica e económica” e proposta de negociación cos licitadores e acórdase, por unanimidade, iniciar a negociación cos dous licitadores presentados e admitidos nesta negociación, BIGLAB, SLU e TOTALITY GROUP, SL, nos termos previstos no referido informe.

### 5.- Propostas de adxudicación

#### **a) Procedemento aberto para a contratación do subministro de desfibriladores semiautomáticos externos, para instalacións deportivas municipais dependentes da Concellería de Deportes do Concello de Vigo, así coma a formación e acreditación do persoal para o seu uso (112-611)**

A secretaria lembra aos membros da Mesa que o 25 de outubro de 2016 se notificou ao licitador clasificado en primeiro lugar neste procedemento, CARYOSA, SL, o acordo adoptado pola Xunta de Goberno local o 21 de outubro, no que se lle outorgaba un prazo para a presentación da documentación esixida polo artigo 151.2 TRLCSP.

Esta documentación foi presentada o 7 de novembro de 2016, dentro do prazo concedido. Tras a súa cualificación pola Mesa de Contratación esta acorda, por unanimidade, conceder a CARYOSA, SL un prazo de tres días hábiles para que emende a citada documentación polos seguintes motivos:

1. Non consta a póliza do seguro de responsabilidade civil, esixida na cláusula 21 e no apartado 14A do Anexo I -FEC- do prego de cláusulas administrativas particulares que rexe esta contratación -PCAP-, que deberán presentar xunto co recibo de pagamento.
2. Non consta o certificado acreditativo de estar ao corrente no cumprimento das obrigas tributarias fronte á CCAA.
3. Deberán presentar o resgardo da garantía complementaria esixida na cláusula 22 e apartado 11B das FEC do PCAP por un importe do 2,83% do prezo de adxudicación do contrato sen IVE (792,40 euros).
4. O importe dos anuncios de licitación ascende a 861,40 euros, en lugar de 853,85 euros.

Non tendo máis asuntos que tratar, o presidente declara finalizada a sesión ás 10:55 horas. De todo o tratado eu secretaria dou fe.

AFL

Vigo, 11 de novembro de 2016

A presidenta da Mesa de Contratación

María Jesús Lago Rey



Copia do documento - Concello de Vigo	Data impresión: 21/05/2024 09:39	Páxina 3 de 3
ACTAS PERFIL CONTRATANTE	CSV: A4AH4D-ECC9CA-572521-5EVNKN-P18ZGN-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		